



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎ**

ՎԵՐԼՈՒԾԱԿԱՆ ՏԵՂԵԿԱՆՔ

**«Միջազգային էներգետիկ կորպորացիա» ՓԲԸ
2017 թվականի ներդրումային գործունեության
մոնիթորինգի արդյունքները**

ԵՐԵՎԱՆ 2018

ԲՈՎԱՆԴԱԿՈՒԹՅՈՒՆ

Նախաբան	3
ԲԱԺԻՆ 1. «Միջազգային էներգետիկ կորպորացիա» ՓԲԸ-ի 2017 թվականի ներդրումային ծրագրի կառուցվածքը	3
ԲԱԺԻՆ 2. «Միջազգային էներգետիկ կորպորացիա» ՓԲԸ-ի 2017 թվականի ներդրումային ծրագրի կատարման ցուցանիշները և ներդրումների ձևավորման աղբյուրները	4
2.1. Ներդրումային ծրագրի կատարման ցուցանիշները	4
2.2. Ներդրումների ձևավորման աղբյուրները	6
ԲԱԺԻՆ 3. «Միջազգային էներգետիկ կորպորացիա» ՓԲԸ-ի 2017 թվականի ներդրումային գործունեության մոնիթորինգի արդյունքները	6
ԲԱԺԻՆ 4. Հետագա սակագներով փոխհատուցման ենթակա ներդրումների ծավալը.....	8
4.1. Փաստացի կատարված ներդրումներից նվազեցված ներդրումների ծավալը.....	8
4.2. Սակագնով փոխհատուցման ենթակա ներդրումների ծավալը	9
Եզրակացություններ.....	10
Հղումներ օգտագործված նյութերին	11

Նախաբան

Սույն վերլուծական տեղեկանքը մշակվել է ի կատարումն ՀՀ հանրային ծառայությունները կարգավորող հանձնաժողովի (այսուհետև՝ հանձնաժողով) 2018 թվականի աշխատանքային ծրագրի 18-րդ կետի և արտացոլում է «Միջազգային էներգետիկ կորպորացիա» ՓԲԸ-ի (այսուհետև՝ ընկերություն) 2014-2018 թվականների ներդրումային ծրագրի 2017 թվականի հատվածի (այսուհետև՝ ներդրումային ծրագիր) մոնիթորինգի գնահատականը: Փաստաթուղթը ներառում է ներդրումային ծրագրի և փաստացի կատարված աշխատանքների համադրությունը, իրականացված ծախսերի արդյունավետության, ինչպես նաև՝ սակագնով փոխհատուցման ենթակա ներդրումների ծավալի վերլուծությունը:

Վերլուծական տեղեկանքը կազմվել է՝ հաշվի առնելով «Միջազգային էներգետիկ կորպորացիա» ՓԲԸ-ի 2014-2018 թվականների ներդրումային ծրագիրը և փաստացի կատարված կապիտալացվող ծախսերով ձևակերպված ներդրումների մասին լիցենզավորված ընկերության կողմից հանձնաժողով ներկայացված հաշվետվությունը [Հաշվետվություն]:

ԲԱԺԻՆ 1.

«Միջազգային էներգետիկ կորպորացիա» ՓԲԸ-ի 2017 թվականի ներդրումային ծրագրի կառուցվածքը

«Միջազգային էներգետիկ կորպորացիա» ՓԲԸ-ի 2017 թվականի տարեկան ներդրումային ծրագիրն ուղղված էր ՀԷԿ-երի անվտանգության, արդիականացման և հետագա բնականոն գործունեության ապահովմանը: Մասնավորապես՝ ներդրումային ծրագրի շրջանակներում նախատեսված էր իրականացնել 25,0¹ մլն դրամ ներդրումներ՝ ՀԷԿ-երի անվտանգ աշխատանքի համար անհրաժեշտ սարքավորումների, տնտեսական բնույթի սարքավորումների, լիցենզավորված ծրագրերով համալրված համակարգչային տեխնիկայի և աքսեսուարների, գրասենյակային կահույքի, հսկիչ-չափիչ սարքավորումների և գործիքների ձեռքբերման ուղղությամբ:

¹Սույն վերլուծական տեղեկանքում բոլոր գումարները ներկայացված են առանց ԱԱՀ:

Ներդրումների մեծ մասը՝ 11,8 մլն դրամ, նախատեսվում էր ուղղել ՀԷԿ-երի անվտանգ աշխատանքի համար անհրաժեշտ սարքավորումների ձեռքբերմանը, իսկ հսկիչ-չափիչ սարքավորումների և գործիքների ձեռքբերմանը նախատեսվում էր ուղղել 4,9 մլն դրամ: Լիցենզավորված ծրագրերով համալրված համակարգչային տեխնիկայի և աքսեսուարների ձեռքբերման համար նախատեսված էր 4,9 մլն դրամ:

Համաձայնեցված ներդրումներից 3,4 մլն դրամը նախատեսված էր տնտեսական բնույթի սարքավորումների, գրասենյակային կահույքի և բջջային հեռախոսների ձեռքբերման նպատակով:

ԲԱԺԻՆ 2.

«Միջազգային էներգետիկ կորպորացիա» ՓԲԸ-ի 2017 թվականի ներդրումային ծրագրի կատարման ցուցանիշները և ներդրումների ձևավորման աղբյուրները

2.1. Ներդրումային ծրագրի կատարման ցուցանիշները

Համաձայն Հաշվետվության՝ ընկերությունը 2017 թվականի ընթացքում կատարել է 17,7 մլն դրամի ներդրումներ, որոնք ամբողջությամբ շահագործման են հանձնվել: Հարկ է նշել, որ Հաշվետվությամբ ներկայացված ավարտված ծավալներում ներառված են նաև «Երևան ՀԷԿ-1»-ի վերականգնման աշխատանքներին ուղղված 14 823,6 մլն դրամ ներդրումներ: Այս աշխատանքները համաձայնեցված են եղել ընկերության 2016 թվականի ներդրումային ծրագրով և իրականացվել են վերը նշված տարում: Ուստի, «Երևան ՀԷԿ-1»-ի վերականգնման աշխատանքներն ուսումնասիրվել են 2016 թվականի ներդրումային գործունեության վերլուծության ընթացքում և ներառվել սակագնում: Այս ուղղությամբ ներդրումները 2017 թվականի ներդրումային գործունեության վերլուծության ընթացքում չեն դիտարկվել:

Ստորև՝ աղյուսակ 1-ում, ներկայացված է հանձնաժողովի հետ համաձայնեցված և ընկերության կողմից փաստացի իրականացված և ավարտված ներդրումների ծավալների համեմատականը:

Աղյուսակ 1

h/h	Ներդրումային ծրագրի ուղղությունը, ենթաուղղությունը	Հանձնաժողովի հետ համաձայնեցված ներդրումների կանխատեսվող ծավալը	Փաստացի իրականացված՝ ավարտված ներդրումներ	Ծրագրի կատարման ցուցանիշը	Իրականացված ներդրումներ՝ այդ թվում շահագործման չհանձնված		
		մլն դրամ	մլն դրամ	%	2017թ.	2017թ. սկզբի դրությամբ (մնացորդ)	Ընդամենը
					մլն դրամ	մլն դրամ	մլն դրամ
1	2	3	4	5	6	7	8
1	ՀԷԿ-երի անվտանգ աշխատանքի համար անհրաժեշտ սարքավորումների ձեռքբերում	11,8	4,1	35%	4,1	-	4,1
2	Տնտեսական բնույթի սարքավորումների ձեռքբերում	0,6	2,6	465%	2,6	-	2,6
3	Լիցենզավորված ծրագրերով համալրված համակարգչային տեխնիկայի և աքսեսուարների ձեռքբերում	4,9	1,1	22%	1,1	-	1,1
4	Գրասենյակային կահույքի ձեռքբերում	2,5	0,5	19%	0,5	-	0,5
5	Հսկիչ-չափիչ սարքավորումների և գործիքների ձեռքբերում	4,9	9,4	191%	9,4	-	9,4
6	Բջջային հեռախոսների ձեռքբերում	0,4	0,1	35%	0,1	-	0,1
	Ընդամենը	25,0	17,7	71%	17,7	-	17,7

Ինչպես կարելի է տեսնել Աղյուսակ 1-ից, ընկերությունը համաձայնեցված ներդրումային ծրագիրը կատարել է 71%-ով:

2.2. Ներդրումների ձևավորման աղբյուրները

Ստորև՝ աղյուսակ 2-ում, ներկայացված են իրականացված ներդրումների ձևավորման աղբյուրները, համաձայն որի 2017 թվականի ընթացքում իրականացված ներդրումներն ամբողջությամբ ուղղվել են տեղակայում չպահանջող հիմնական միջոցների ձեռքբերմանը:

Աղյուսակ 2

	Ներդրումների ձևավորման աղբյուրները	Իրականացված		Շահագործման հանձնված	
		մլն դրամ	%	մլն դրամ	%
	2	3	4	5	6
	Տեղակայում չպահանջող հիմնական միջոցներից	17,7	100%	17,7	100%
	ԸՆԴԱՄԵՆԸ	17,7		17,7	

ԲԱԺԻՆ 3.

«Միջազգային էներգետիկ կորպորացիա» ՓԲԸ-ի 2017 թվականի ներդրումային գործունեության մոնիթորինգի արդյունքները

Ստորև ներկայացված է ընկերության կողմից 2017 թվականին իրականացված ներդրումների ծավալը՝ հետագայում դրանք սակագնով ամբողջությամբ կամ մասնակի փոխհատուցման տեսանկյունից:

Ընկերության բնականոն գործունեության ապահովման նպատակով 2017 թվականին համաձայնեցված ներդրումային ծրագրի շրաջանակում աշխատանքներ են իրականացվել հետևյալ ենթաուղղություններով.

«ՀԷԿ-երի անվտանգ աշխատանքի համար անհրաժեշտ սարքավորումների ձեռքբերման ուղղությամբ» 2017 թվականին համաձայնեցված էր 11,8 մլն դրամ շարժիչների, պոմպերի, ներանցիչների, ամբարձիչների, վերիան հարթակների ձեռքբերման նպատակով: Հաշվետու ժամանակաշրջանում փաստացի ձեռք են բերվել 4,1 մլն դրամի խորքային, շրջանառու, կոնսուլային պոմպեր՝ թվով 11 հատ:

«Տնտեսական բնույթի սարքավորումների ձեռքբերման ենթաուղղությամբ» համաձայնեցված էր 0,5 մլն դրամ: 2017 թվականին փաստացի ձեռք են բերվել 2,6 մլն դրամի հիմնական միջոցներ:

«Լիցենզավորված ծրագրերով համալրված համակարգչային տեխնիկայի և աքսեսուարների ձեռքբերում» ենթաուղղությամբ 2017 թվականին համաձայնեցված էր 4,9 մլն դրամ համապատասխան ծրագրերով հագեցած նոր համակարգիչների, համակարգչային տեխնիկայի և աքսեսուարների ձեռքբերման նպատակով: Փաստացի ձեռք են բերվել 1,1 մլն դրամի հիմնական միջոցներ:

«Գրասենյակային կահույքի ձեռքբերում» 2017 թվականին համաձայնեցված էր 2,5 մլն դրամ: Փաստացի ձեռք են բերվել 0,5 մլն դրամ ընդհանուր արժեքով հիմնական միջոցներ:

«Հսկիչ-չափիչ սարքավորումների և գործիքների ձեռքբերման ուղղությամբ» 2017 թվականին համաձայնեցված էր 4,9 մլն դրամ: Հաշվետու տարում ձեռք են բերվել 9,4 մլն դրամի սարքավորումներ և գործիքներ, որոնց թվում՝ ճառագայթային օսցիոլոգրաֆ, գայլիկոնային հաստոց, ինվերտորային եռակցման սարք և այլն:

«Բջջային հեռախոսների ձեռքբերման» ուղղությամբ 2017 թվականին համաձայնեցված էր շուրջ 400,0 հազ.դրամ: Ընկերության աշխատակազմի աշխատանքային նորմալ պայմանների ապահովման և աշխատանքի արդյունավետության բարձրացման անհրաժեշտությամբ պայմանավորված հաշվետու տարում փաստացի ձեռք են բերվել 125,4 հազ. դրամի 5 հատ բջջային հեռախոսներ:

ԲԱԺԻՆ 4.

Հետագա սակագներով փոխհատուցման ենթակա ներդրումների ծավալը

4.1. Փաստացի կատարված ներդրումներից նվազեցված ներդրումների ծավալը

2017 թվականի ընթացքում Ընկերության կողմից փաստացի ավարտված 17,7 մլն դրամի ներդրումների ծավալում առկա են ներդրումներ, որոնք ենթակա են նվազեցման ընկերության սակագնով փոխհատուցման ենթակա ներդրումների ծավալից, մասնավորապես.

1. Հաշվետվության ուսումնասիրության արդյունքում 5,4 մլն դրամի ներդրումներ նվազեցվել են սակագնով փոխհատուցման ենթակա ներդրումների ծավալից՝ ներդրումային ծրագրով նախապես համաձայնեցված չլինելու պատճառով, այդ թվում դյուրակիր համակարգիչ՝ ծրագրային ապահովմամբ, ամրագրուի և ջրաչափ:
2. Իրականացվել է նաև հանձնաժողովի հետ համաձայնեցված և փաստացի իրականացված ներդրումների ծավալի համադրում: Համադրման ընթացքում նախապես համաձայնեցված ներդրումների ծավալը համեմատվել է փաստացի իրականացված ներդրումների ծավալի հետ՝ վերը նշված նվազեցումների իրականացումից հետո: Արդյունքում, տնտեսական բնույթի սարքավորումների ձեռքբերման ենթաուղղությամբ իրականացված ներդրումները հանձնաժողովի հետ նախապես համաձայնեցված ներդրումների ծավալը գերազանցել են 2,0 մլն դրամով, որը ևս նվազեցվել է սակագնով փոխհատուցման ենթակա ներդրումների ծավալից:
3. Հաշվի առնելով, որ լուծարված հիմնական միջոցներն այլևս չեն մասնակցում ընկերության լիցենզավորված գործունեությանը, հիմնական միջոցի լուծարված արժեքը՝ 0,3 մլն դրամ՝ նվազեցվել է սակագնով փոխհատուցման ենթակա ներդրումների ծավալից:

4.2. Սակագնով փոխհատուցման ենթակա ներդրումների ծավալը

Հաշվի առնելով վերլուծության արդյունքները՝ Ընկերության կողմից 2017 թվականին փաստացի իրականացված և հետագա սակագներով փոխհատուցման ենթակա ներդրումների ծավալը ամփոփված է ստորև՝ աղյուսակ 3-ում:

Աղյուսակ 3

«Միջազգային էներգետիկ կորպորացիա» ՓԲԸ-ի սակագնով փոխհատուցման ենթակա 2017 թվականի ներդրումների ծավալի ամփոփ վերլուծությունը

		մլն դրամ
1	Իրականացված ներդրումներ	17,7
2	Անավարտ աշխատանքներ	0,0
3	2017 թվականի ընթացքում շահագործման հանձնված աշխատանքներ	17,7
4	Սակագնով փոխհատուցման ենթակա ներդրումների ծավալից նվազեցված ներդրումներ, այդ թվում՝	7,7
4.1	Հանձնաժողովի հետ չհամաձայնեցված ներդրումներ	5,4
4.2	Հանձնաժողովի հետ համաձայնեցված ներդրումները գերազանցող ներդրումներ	2,0
4.3	Լուծարված հիմնական միջոցներ	0,3
5	2017 թվականի ընթացքում իրականացրած ներդրումներից սակագնով փոխհատուցման ենթակա ներդրումներ	10,0

Եզրակացություններ

2017 թվականի ներդրումային ծրագիրը հանդիսանում է ընկերության 2014-2018 թվականների միջնաժամկետ ներդրումային ծրագրի մաս, որի շրջանակում նախորդ տարիներին իրականացվել են «Արզնի ՀԷԿ»-ի, «Հրազդան ՀԷԿ»-ի, «Սևան ՀԷԿ»-ի և «Քանաքեռ ՀԷԿ»-ի վերազինման, ինչպես նաև «Երևան ՀԷԿ-1»-ի վերականգնման աշխատանքներ:

2017 թվականին ներդրումային ծրագրով համաձայնեցված ծավալը իրականացվել է 71%-ով: Հաշվետու ժամանակահատվածում ավարտված ներդրումների ծավալը կազմել է 17,7 մլն դրամ:

2017 թվականին ներդրումային գործունեության մոնիթորինգի արդյունքների համաձայն իրականացված ներդրումներից սակագնով փոխհատուցման ենթակա ներդրումների ծավալը կազմում է 10,0 մլն դրամ:

Հղումներ օգտագործված նյութերին

- Որոշում 1 - ՀՀ հանրային ծառայությունները կարգավորող հանձնաժողովի 2017 թվականի դեկտեմբերի 13-ի N°540L որոշումը «ՀՀ հանրային ծառայությունները կարգավորող հանձնաժողովի 2018 թվականի աշխատանքային ծրագիրը հաստատելու մասին».
- Որոշում 2 - ՀՀ հանրային ծառայությունները կարգավորող հանձնաժողովի 2014 թվականի փետրվարի 12-ի N°15Ա որոշումը «Միջազգային էներգետիկ կորպորացիա» փակ բաժնետիրական ընկերության 2014-2018 թվականների ներդրումային ծրագրին համաձայնություն տալու մասին».
- Հաշվետվություն - «Միջազգային էներգետիկ կորպորացիա» ՓԲԸ-ի կողմից 2017 թվականին փաստացի կատարված կապիտալացվող և ընթացիկ ծախսերով ձևակերպված ներդրումների վերաբերյալ ընկերության 2018 թվականի մայիսի 5-ի N°2/9-018 գրությամբ ներկայացված հաշվետվությունը: